



Adresa: **Ul.H.Čemerlića 39A**  
71000 Sarajevo  
<http://www.voda.ba>

tel. +387 33 726 444  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-369-5/26**  
Datum: **18.08.2026. godine**

«Agencija za vodno područje rijeke Save» Sarajevo rješavajući po zahtjevu fizičkog lica Mehmed Džekić iz Živinica, za donošenje rješenja o prethodnoj vodnoj saglasnosti za aktivnost ispuštanja otpadnih voda sa lokacije poslovnog objekta namjene – servis i popravke motornih vozila, koji se planira graditi u naselju Bašigovci, grad Živinice, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», 2/98, 48/99 i 61/22), donosi

### **RJEŠENJE** **o prethodnoj vodnoj saglasnosti**

1. Fizičkom licu Mehmed Džekić iz Živinica, daje se prethodna vodna saglasnost za ispuštanje otpadnih voda sa lokacije poslovnog objekta namjene – servis i popravke motornih vozila, koji se planira graditi na zemljištu označenom kao k.č. broj 754/8 K.O. Bašigovci, Grad Živinice.
2. Prethodna vodna saglasnost se daje u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
  - 4.1. Izraditi i revidovati investiciono-tehničku dokumentaciju na nivou potrebnom za pribavljanje odobrenja za građenje u kojoj će se dati tehnička rješenja koja se odnose na način prikupljanja, tretmana i ispuštanja otpadnih voda sa predmetne lokacije, a sve u skladu sa članom 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) kao i sva pitanja koja su bitna za konkretan slučaj, a naročito:
    - Proračun potrebnih količina voda za predmetni poslovni objekat (potrebne količine sanitarne vode, potrebne količine vode za pranje radnih, manipulativnih, saobraćajnih i parking površina i sl.);
    - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);
    - Proračun kvantitativnih i kvalitativnih karakteristika otpadnih voda sa lokacije predmetnog objekta, pratećih objekata, saobraćajnih, parking i manipulativnih površina;
    - Tehničko rješenje sistema za prikupljanje, prečišćavanje i ispuštanje prečišćenih otpadnih voda sa predmetne lokacije sa potrebnim proračunima i tehničkim opisom;
    - Proračun potrebnog kapaciteta separatora ulja i naftnih derivata i lokaciju ugradnje. Nakon separatora ulja i naftnih derivata, prije ispusta predvidjeti izgradnju monitoring okna koje će poslužiti za kontrolu rada istog. Lokacija separatora treba da bude takva da se omogući pristup u cilju čišćenja i održavanja istog;
    - Tehničko rješenje odlaganja i zbrinjavanja opasnih i štetnih materija;

- Na preglednoj situaciji prikazati cjelokupan lokalitet sa planiranim objektima (poslovni objekat, manipulativni i parking prostor, uređaj za tretman otpadnih voda i dr.);
  - Tehničko rješenje za monitoring i način monitoringa zahvaćenih i ispuštenih otpadnih voda;
  - Sagledati mogućnost nastajanja neželjenih uticaja na režim voda ili uticaja režima voda na stanovništvo, objekte, radove, stečena prava korisnika, postojeću infrastrukturu, naselja i okolinu, sa prijedlogom mjera za sprječavanje istih;
  - Da se projektnom dokumentacijom, u skladu sa zakonskim propisima definiše način privremenog pa sve do konačnog zbrinjavanja mulja iz uređaja za prečišćavanje tehnoloških otpadnih voda.
- 4.2. Investiciono-tehnička dokumentacija treba biti urađena od strane ovlaštenog pravnog lica i revidirana od strane drugog pravnog lica, oba sa „Liste A“ Federalnog ministarstva poljoprivrede, vodoprivrede i šumarstva, a prema članu 14. stav 2. Pravilnika o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
  - 4.3. Pri izradi projektne dokumentacije pažnju posvetiti položaju postojećih instalacija (vodovodne, kanalizacione, elektro, PTT i dr.), te dati tehničko rješenje za ukrštanje ili izmještanje istih uz saglasnost vlasnika infrastrukturnih objekata ili organizacije koja njima upravlja.
  - 4.4. Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja, zone sanitarne zaštite izvorišta i slično, te dati prijedlog mjera za sprječavanje istih.
  - 4.5. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
  - 4.6. Investitor u tehničkoj dokumentaciji treba dati takva rješenja kojima će se obezbijediti da prečišćene otpadne vode prije ispuštanja u definisani recipijent zadovoljavaju granične vrijednosti emisije na način kako je to propisano Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 4.7. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva, te pravila struke i nauke.
  - 4.8. Predmetni objekat ne smije biti u koliziji sa površinskim vodama, niti da se nalazi u priobalnom pojasu-vodnom dobru, plavnom području i zaštitnim zonama izvorišta vode za piće. Dokaz pribaviti od strane operatora vodovodnog sistema i nadležnih kantonalnih i općinskih službi.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi (ukoliko njihovo izdavanje nije propisano, potrebno je pribaviti dokaz od nadležne službe), potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, investor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
  6. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
  7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.

8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ova prethodna vodna saglasnost se može izmijeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Fizičko lice Mehmed Džekić iz Grada Živinica, podnio je zahtjev za donošenje rješenja o prethodnoj vodnoj saglasnosti za ispuštanje otpadnih voda sa lokacije poslovnog objekta namjene – servis i popravke motornih vozila, koji se planira graditi na zemljištu označenom kao k.č. broj 754/8 K.O. Bašigovci, Grad Živinice.

Uz zahtjev je dostavljena i pregledana sljedeća dokumentacija:

- Ovjerena kopija lične karte podnosioca zahtjeva;
- Ovjerena kopija izvoda iz prostornog plana Općine Živinice, donesen od strane Službe za prostorno planiranje i urbanizam Grada Živinice, broj: 04/3-19-4629/2026 dana 11.06.2026. godine;
- Ovjerena kopija katastarskog plana, K.O. Bašigovci, broj plana: 5, UR broj: 06/1-26-2634/2026-3 dana 21.05.2026. godine;
- Ovjerena kopija Zemljišnoknjižnog izvodka: K.O. Bašigovci, broj: 033-0-NAR-26-002 877, zk uložak broj: 1737, izdat od strane Zemljišnoknjižni ured Općinskog suda u Živinicama, dana 29.05.2026. godine;
- Ovjerena kopija Posjedovnog lista broj 1703, izdatog od strane Službe za geodetske, imovinsko-pravne poslove i upravljanja imovinom Grad Živinice, broj:06/1-26-2633/26-2 dana 21.05.2026. godine;
- Ovjerena kopija punomoći;
- Ovjerena kopija Informacije o usklađenosti planirane aktivnosti sa prostorno planskom dokumentacijom, date od strane Službe za prostorno planiranje i urbanizam Grad Živinice, broj: 04/3-19-4874/26 dana 22.06.2026. godine;
- Ovjerena kopija Uvjerjenja da se navedeni lokalitet K.O. Bašigovci, k.č. broj 754/8 ne nalazi u zoni izvorišta za piće niti utvrđenim zonama sanitarne zaštite, dato od strane Služba za komunalne poslove i infrastrukturu Grad Živinice, broj: 05/3-19-4872/2026 dana 01.07.2026. godine;
- Ovjerena kopija potvrde da je predmetni objekat priključen na vodovodnu mrežu, date od strane MZ Lukavica Donja Odbor za održavanje vodovoda „Toplice“, broj:1-1-7/26 dana 04.04.2026. godine;
- Vodna studija u postupku pribavljanja prethodne vodne saglasnosti za potrebe izgrađenog stambeno poslovnog objekta (namjene servis i popravke motornih vozila), u naselju Bašigovci, Grad Živinice, urađena od strane „ATRIUS projekt“ d.o.o. Živinice, juli 2026. godine;
- Dokaz o uplati upravne pristojbe.

U skladu sa članom 124. stav (1) Zakona o vodama i članom 5. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 63/22), o zahtjevu je dana 30.07.2026. godine obaviještena javnost putem obavještenja u dnevnim novinama „Oslobođenje“. U ostavljenom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je sljedeće:

Lokacija na kojoj će se graditi predmetni poslovni objekat se nalazi u Gradu Živinice, na zemljištu označenom kao k.č. broj 754/8 K.O. Bašigovci, grad Živinice.

Na predmetnoj lokaciji će nastajati oborinske onečišćene vode koje će se prikupljati sistemom oluka i slivne rešetke i odvoditi u sabirni šaht, te zatim do separatora masti i ulja. Nakon tretmana odvest će se do monitoring okna, a zatim odvesti do ispusta izvedenog u potok Ševar.

Tehnološke otpadne vode iz servisne radionice prikupljat će se putem linijskih slivnika sa slivnim rešetkama i internom kanalizacionom mrežom odvoditi do uređaja za tretman otpadnih voda, separatora ulja i naftnih derivata. Zatim će se preko okna za monitoring otpadne vode odvesti do ispusta izvedenog u potok Ševar.

Nakon uvida u raspoloživu dokumentaciju, konstatirano je da sa aspekta sektora voda i priložene dokumentacije ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Na osnovu navedenog i provedenog postupka, a shodno članu 139. stav (1) tačka 3., a u vezi sa članom 111. Zakona o vodama i članu 5. Pravilnika o sadržaju, obliku, uvjetima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju  
Rukovodilac sektora za izdavanje  
vodnih akata

  
Nihad Pezo, dipl.inž.građ.

Dostaviti:

- Mehmed Džekić, ul. Bašigovci bb, 75270 Živinice
- ① AVP Sava, ISV, Vodna knjiga,
- Sektor 40, arhiva,
- Oglasna ploča